



# Ямде лий

ВЛКСМ МАРОВКОМЫН ОРГАНЖЕ

Адрес: Йошкар-Ола, Совет порт, „Ямде лий“ редакция



## ПЕРВЫЙ СОЗЫВ СССР ВЕРХОВНЫЙ СОВЕТЫН КУДЫМЫШО СЕССИЙЖЕ

29-мартыште Москванте, Кремльште СССР Верховный Советын кудымышо Сессийже почылтын.

Кечывалым 2 шагатыште Союз Советын, 4 шагатыште кечывалым Национальность-шамыч Советын заседанийышт тунгалын.

Союз Совет Сигизбаевым кызыт Узбекский ССР-ыште пашам ыштыдымыжлан лийын, Союз Совет Председательын Заместительже обязанность деч утараш ик йук дене пунчалын. Союз Совет Председательын Заместительжылан ик йук дене депутат Юсупов Усманым сайлыме.

Национальность - шамыч Совет депутат Левицкийым Белорусский ССР деч бордыжык паша ышташ куснымыжлан лийын, Национальность-шамыч Совет Председательын Заместительже обязанность деч утараш ик йук дене пунчалын. Национальность - шамыч Совет Председательын Заместительжылан ик йук дене депутат Кулагин М. В. сайлалтын.

Сессийыш эше шукерте оыл Украиннын да Белоруссийн западный областлашт деч Верховный Советын депутатлан сайлатше-шамыч толынты. Союз Советын да Национальность-шамыч Советын заседанийлаштышт Мандатный Комиссий-шамычын доклад-ыштым колыштво. Мандатный Комиссий - шамыч Украиннын да Белоруссийн западный областлаштышты депутат - шамычым сайлымыш СССР Конституций да „СССР Верховный Советын сайлыме нерген Положений“ основеш тичмашын келшышын эртен, манан доложитлен.

Мандатный Комиссий-шамычын докладштын основанийышт дене Союз Совет ден Национальность-шамыч Совет Украиннын да Белоруссийн западный областлашт деч чыла депутат-шамычын полномочийыштым правильнылан шотделчт.

Кок палата-шамычшат у йолташ-шамычым — Украиннын да Белоруссийн западный областласе калык-шамычын сайлыме депутатыштым шокшын саламлен.

Союз Совет ден Нацио-

нальность - шамыч совет шке заседанийлаштышт Сессийын тыгай ончышаш пашажым пентгыдемдечт: 1. Правительствын внешний политикиже нерген доклад.

2. „Карельский“ Автономный Советский Социалистический Республикым Союзный Карело-Финский Советский Социалистический Республикыш преобразоватлы-маш.

3. 1940 ийлан СССР-ын Государственный Бюджетшым<sup>1)</sup> утвердитлымаш да СССР-ын 1938 ийысе Государственный Бюджетшым шуктымо нерген отчетым утверждатлымаш.

4. СССР Верховный Совет Президиумын Сессийже-шамыч кокласе жапыште привинатлыме да СССР Верховный Советлан утвердитлымаш Указше-шамычым утвердитлыме нерген

Кастене 7 шагатыште Союз Советын да Национальность-шамыч Советын первый пырля заседанийышт лийын.

А. А. Андреев йолташын ойжо почеш СССР Верховный Совет белофинн-шамыч ваштареш кучедалмаште колышо, шке ылыштым шке элыштын безопасностишым обеспечитлыме паша верч пушо Йошкар Армиин боецшамычым шогалын почтитлен.

Варажым Правительствын внешний политикиже нерген доклад дене СССР Калык Комиссар-шамыч Совет Председатель да Иностраный паша Калык Комиссар Вячеслав Михайлович Молотов йолташ выступатлен. Зал Советский Правительствын главажым кужу жап, ружге сово кырымаш дене вашлийын.

Молотов йолташын докладше пытымек, депутат М. Д. Багиров выступатлен. Тудо мемнан Правительствын внешний политикижын пеш раш да последовательный улмыжо нерген ойлен да садлан лийын Молотов йолташын докладше почеш пренийым почаш оыл манан ойым луктын. СССР Верховный Совет тиде ойым ик йук дене привинатлен.

Варажым депутат Багировын предложенийже дене СССР Верховный Совет Палата-шамыч шот дене посна головатлыме дене Правительствын внешний политикижым одобритлаш ик йук дене пунчалын.

<sup>1)</sup> Бюджет—государствын доходшо ден расходшо.



1938 ийыште Хасан ер воктен лийше бойлаште пограничник Владимир Дурнев колен ыде. Тунамак изажын шогымо погранрядышке изак-шояк Николай ден Алексей Дурнев-шамыч шогалыныт. Снимкыште: изак-шояк патриот-шамыч Алексей (шоялаште) ден Николай Дурнев-шамыч. Фото Е. Коммын.

### Йошкар Армиин начальствующий ден рядовой составшылан Советский Союзын геройжо лұмым присвоитлымаш

Финский белогвардейшина ваштареш кучедалме фронтышто командованийын боевой заданийже-шамычым образцово шуктымылан да тидын годым отвага ден героизтым ончыктымылан СССР Верховный Совет Президиумын Указше дене 171 еглан Советский Союзын геройжо лұмым присвоитлыме да Ленин орден да „Золотая Звезда“ медаль дене наградитлыме.

### Йошкар Армиин начальствующий составше ден Йошкарармеецшамычым наградитлымаш

Финский белогвардейшина ваштареш кучедалмаш фронтышто командованийын боевой заданийже-шамычым образцово шуктымылан да тидын годым доблесть ден мужеством ончыктымылан—СССР Верховный Совет Президиумжо посна указше дене 9329 еным: Йошкар Армиин начальствующий ден Йошкарармейский составшым, начальствующий составын ешыштым госпиталь ден гражданский учреждени-шамычын пашаежыштым орден да медаль-шамыч дене наградитлен.

Ленин орден дене 184 еным, „Красное Знамя“ орден дене 1701 еным, „Красная звезда“ орден дене 1953 еным, „За отвагу“ медаль дене 2707 еным, „За боевые заслуги“ медаль дене 2784 еным наградитлыме.

## САЙ ТУНЕММАШЫН „СЕКРЕТШЕ“

Мый 3-шо классыште тунемам. „Плохо“ отметкем иктат уке, чыла „хорошо“ да „отлично“ велэ улыт.

Школ гыч мӱнгыш толмекем, мый эн ончык обедым ыштем. Вара Колесников Коля йолташем дек каем, тудын дене коктын школысо библиотекеш художественный литературым лудаш каена. Библиотекеш шуко йоча-шамыч погынат, нунат тушко лудаш мият. Кас велешырак мый тушеч мӱнгыш каем. Мӱнгышты заданийым шукты-

мек, малаш возам. Эрдене эррак школыш миемат, урок туналмешке кодшо урокышто мом тунемме—чыла лудын лектам. Тыге тунемме материалым чыла сайын умлен шуктем. А урокышто туныктышына Егор Сергеевич мом йодеш гын, чыла раш каласен пуэм. Садлан мыланем тудо „хорошо“ да „отлично“ отметкым велэ шында. Теве молан мый сайын да отличнын тунемам.

Скорняков Федя.  
Нуж-Ключ НСШ,  
Морко район.

## Мемнан вашмутна

Лопатинский пионер порт жок Пет. Першутын „Кутпеленсе самодеятельный художественный ансамбль член-шамычын Марийский АССР-ысе чыла школьник, пионер ден комсомолец шамычлан открытый письмаштым лончылмек, Кугу-Коклала НСШ-ште тунемше-шамыч олимпиадым сай ямдылалтын вашлийш келшышт. Кызыт хоровой кружок у муро, танец-шамычым тунемеш. Драмкру-

жок Пет. Першутын „Кутпеленсе самодеятельный ансамбль член-шамычын Марийский АССР-ысе чыла школьник, пионер ден комсомолец шамычлан открытый письмаштым лончылмек, Кугу-Коклала НСШ-ште тунемше-шамыч олимпиадым сай ямдылалтын вашлийш келшышт. Кызыт хоровой кружок у муро, танец-шамычым тунемеш. Драмкру-

Половников Александр,  
Ш-рнур район,  
Куго-Коклала НСШ.

## Школа кӱргысӱ смотр сайын эртен

28 мартыште Йошкар-Оласе 7 номеран средний школын 5—6—7-ше класслаштыже тунемше-шамычын йоча художественный самодеятельность смотр-ышт эртен.

6-шо „Б“ классыште тунемше-шамыч „На расцвете“, „Пограничная река“ да „Испытание“ пьеса-шамычым модын ончыктышт. Суринов Толя, Бушуева Тамара да Бусыгина Рая шке рольыштым поснак сайын модыныт. Совосина Оля шке возымо „Уважай критику“ стихотворений-жым лудо. Тугак Бушуева

Тамара дене Бусыгина Рая „Комическая полька“ да „Татарский танецым“ курштеныт. Хор „Песня пограничника“, „Фиалка“ да „Тоска по весне“ муро-шамычым сылнын мурен.

Туштак юный художник-шамычын выставкышт организоватлыме ыле. Нунын кокла гыч Бобринский Сережан суретлыме Сталин, Молотов йолташ-шамычын да Пушкинын, Лермонтовын портретышт поснак сайын ыштыме улыт.

Ан. Бик.  
Йошкар-Ола,  
7-й средний школа.



Йошкар-Ола пионер порт пеленсе йоча хоровой кружок у муро шамычым тунемеш. Заватийым композитор В. С. Миронов эртар.

Фото А. Овечкинын.





# Джогт туге тунемиза



Нине Шиньша средний школышто тунемше-шамыч улит. Нуно отлично тунемаш, школа ден классын честыше верч кучедалаште примерым ончыктат. Шола гыч пурлашке: Игнатъев Никодим, Шафигулина Майсера, Сергеев Семен.  
Фото М. Чуршуконь.

## ПАЛЫМЕ ЛИЙЗА

“Ямде лий” газетын тиде страницише Морко район, Шиньша средний школышто тунемше-шамычын статьяшт печатлаштен.

Нине статья-шамычым внимательно лудын лекса да теат нунын семын сайын да отлично тунемаш тыршыза. Общественный пашамат активно ыштыза. Турло кружок-шамычын пашаштышт примерный лийза. Общественный ден кружок-шамычын пашашт смелый да дисциплинированный лияш воспитыватлат. Адак ко шкенжын тунемашыжым общественный да кружок-шамычын пашашт дене кылтен шогат гын, тудын успеваемостьшат куза.

Теве мемнан Шиньша школышто тунемше-шамыч общественный пашаштат, турло кружок-шамычын пашаштыштат активно участвоватлат. Посна тунемше-шамыч шкак кружокым вуйлатат. Теве **З. Афанасов** литературный кружокым

## Йолташемлан полшем

Мый 1-ше чырык гычак сайын тунемшаш верч тыршаш тунгалым. Туныктышын ойлымыжым умлаш тыршен колыштам, заданиймат эре сайын шуктен шогем.

Мыйын Андреев Николай йолташем уло. Мый тудым пагалам. Тудат мыйым пагала. Вет тудо 1-ше чырыкыште тунемме годым алгебра да руш йылме дене “плохо” отметкым налын ыле. Тидлан Николайын “сай” отметкым налмашыже верч чот шонаш тунгалым.

Вара тудлан кертмем чол полшаш тунгалым, Андрееват тыршаш тунгале. Кызыт ынде тудат сайын тунемеш.

Ончыкыжым ме коктынат эше сайын тунемаш тыршаш тунгалына.

Сергеев Семен,  
6-шо клас.

вуйлата. Тиде кружокын членже-шамыч “Резе-литератор” луман художественно-литературный журналым луктын шогат. Тунемше-шамыч тиде журналым йбротен лудыт. Нуно шкак почеламутым, ойлымашым возат.

ПВХО, стрелковый, историко-географический кружок-шамычат пашам начар огыл ыштат. Кызыт 80 тунемше-шамыч ПВХО значоклан нормым сдатленыт.

Тунемше-шамыч туныктышо-шамычым кугун пагалат. Меат, туныктышо-шамыч, нуным йбротена, пагалена, сайын тунемашышт уло вий дене полшена.

ВЛКСМ Центральный Комитетын X пленумжо школа-шамыч ончылан пеш кугу задачым шынден. Тиде задача—сайын да отлично тунемаш, дисциплиным пентгыдемдаш.

Шиньша школышто тунемше-шамыч ВЛКСМ Центральный Комитетын пунчалжым шуктышаш верч кучедалыт. Тидым теве нине таче печатлыме тунемше-шамычын статьяштат раш ойлат.

М. В. Рябинов,

Шиньша средний школын учебный часть вуйлатышыже.

## Паша—тунемаш кугун полша

Кодшо шыжым, тунемаш тунгалмеке, мемнан 6-шо классыште погынымаш лие. Тиде погынымаште мыйым “Ударник” луман классный пырдыж газетын редакторжылан сайлышт.

Паша кугу. Вет газетым жапыштыже да интересный луктын шогаш кӱлеш. Ондакшым мый пашам кужеч тунгалшашыжымат ом пале ыле. Мыланем полшаш классный руководитель Рябинин Михаил Васильевич тольо. Тудо пашам кузе ыштышашым раш умылтарыш. Тыге мемнан пырдыж газетна лекташ тунгале.



Тимофеева Маргарита. Тудо отлично тунемеш.

Мый общественный пашам йбротем. Газетым жапыштыже луктын шогена. Пытартыш номер 18 мартыште лектын. Ме газетешна сайын да отлично тунемше-шамычым ончыктен шогена, а дисциплиным пудыртышо, классын честышым волташ тыршыше-шамычым критиковатлен возена. Тыге ыштыме дене тунемаш саемын. Теве Селиванов Семен начар тунемеш ыле, кызыт тунемаште тыршаш тунгалын, дисциплиныжат торланен.

Общественный паша тунемаш кугун полша.

Тимофеева Маргарита,  
“Ударник” пырдыж газетын редакторжо.



Нинат Шиньша средний школышто тунемше-шамыч улит. Нуно отличник улит, школа ден классын честыше верч кучедалаште примерым ончыктат. Шола гыч пурлашке: Кузьмин Миша, Рябинина Маргарита, Акпаев Андрей.  
Фото М. Чуршуконь.

## ТЕВЕ МЕ КУЗЕ ТУНЕМЫНА

Пионерский отряд сайын да отлично тунемаш, классын честыше верч кучедалаш кугун полша. Теве мемнан 2-шо отрядыште первый чырыкыште кум пионер—Андреев Николай, Яковлев Владимир, Селиванов Семен начар тунемеш ыле. Ме отрядыштына нунылан полишым пумо нерген канашен нална. Тыге туныктышын пумо заданийжым кузе шукташ кӱлмым, уроклан кузе ямдылалташым сайын умылтарен улына. Отлично тунемше-шамыч умылдымо йодышлан эреак вашмутым пуэн шогеныт. Адак шкештат тыршен тунемешыт. Садлан ынде нуно

“плохо” отметкыштым пытареныт. Но Селиванов Семенлан йолташ-шамычым поктен шуаш эше чот тыршашыже кӱлеш.

Мемнан отрядыште улшо пионер-шамыч кокла гыч Тимофеева Маргарита, Сергеев Семен, Николаев Аркадий эн примерный улит. Тунемше-шамыч уроклан эре жапыштыже, сайын ямдылалтын толыт, туныктышын заданийжым шуктен шогат. Адак турло кружоклаште активно участвоватлат.

Вот теве ме тыге тунемашына.

Рябинина Маргарита,

2-шо отряд советын председателыже, отличница.

## Испытанийлан ямдылалтам

Йушты теле эрта. Пуртӱс ош мыержым куда-шеш. Чевер шошо шыргыжын толеш. Тыге вашке шошо испытаний шуэш.

Мый испытанийлан кызытак ямдылалташ тунгалынам. Посна предмет-шамычым повторитлен шогем. Тыге ончылгоч ямдылалташ—испытанийым сайын сдаватлаш кугун полша.

Тунемаш, испытанийлан ямдылалтам. Ты годымак художественный литературым лудын шогем. Шукер-

те огыл Николай Островскийын возымо “Как закалялась сталь” романым, “Рожденные бурей” книгам, А. Толстойын “Хлеб” романым да моло книга-шамычымат ятыр лудынам. Художественный литературым лудмаш—руш йылме ден литературым сайын палаш кугун полша. Тыге мыйын отметкемат саемын.

Общественный пашаштат активно участвоватлем. Шкенан 8-ше классыште классный организатор улам. Адак пионерский отрядын барабанщикшылам шогем. Мый пашамат йбротем, тунемашат куанем.

Яковлев Грisha.

## Ониса сайын тунемаш тунгалеш

Мый 7-ше классыште отличнын тунемаш. Но мемнан классыште чыланжак сайын огыл тунем, южыштын “плохо” отметкыштат уло. Теве Тимофеева Онисанат географий да историй дене отметкыже “плохо”. Садлан лийын, мый Онисалан плохыжым пытараш полшаш тунгалым. Вашке Ониса “плохо” отметка деч йоршын утла.

Игнатъев Никодим.



Шиньша средний школын 6-шо классыштыже тунемше-шамыч математика урокышто. Шолаште: туныктышо Михаил Васильевич Рябинин монгыш заданийым пуа.



# Мемнан

# твоего детства



## Ме

Эрик элеш пелед кушо  
Улына ме пионер.  
Илышнаже куйн шушо  
Саска гае пеш чеве.

Шум гыч шочшо сыне мурым  
Йывырталын мурена.  
Пеледалше Сталин курым  
Мокталтеш мурыштына.

Она шинче йдсым, ойгым,  
Пиалан ме улына.  
Йошкар Знамя, чолгыж лойго  
Патыр эл умбалнына.

Ме отличнын тунемалым,  
Пенгидемян кушкына.  
Изанажым алмашташлан  
Комсомолыш пурена.

З. Афанасьев-Литин

Морко район,  
Шиньша средний  
школа, 8-ше класс.

## Эрдене

Шошо кече кузе йывырталын,  
Эрдене лектеш.

Чикче ош лум вудыш савырчалын,  
Энерлаш нушкеш!

Кумда олыкым вуд налын,  
Шарлен тенгызла.

Эркечын йолжо ден волгалтын,  
Чолгыжеш шийла.


Изистурий муралта да  
Шулдыржым рүза.  
Сыне шошым шижылден да  
Кече дек күза.

Ынде толын изи шырчык  
Омарташ пура.  
Легылден омартаже гыч  
Йывыртен мура.

Кеч кд таче шошо кечым  
Куанен мокта.  
Кеч кдн таче шошо верчык  
Чокжо йывырта.

Федоров Петр.

Башкирский АССР,  
Краснокамский пед-  
училище, 1 курс.



Шошо толын.  
Суретым Белов Николай суретлен. (Лапка-Сола ял, Волжский район).

## Кайыкым йоратем

Порт воктене сыне сад.  
Толылдале тыш киса.  
У онан сакенам,  
Пырчымак пыштенам.

Пачката кайыкем  
Чонешта муралтен.  
Чучкалта, шүшкалта,  
Куршталтен лунгалта.

Кайыкем йоратем,  
Тушман деч аралем.  
Толылдал тыш, киса,  
Тыланет тыште сай.

Бакланов Иван.

Йошкар-Ола район,  
Шекляур.

## Лум шула

Кечын-кечын лум шула.  
Мланде мучко вуд шарла.  
Керек кече, керек йуд—  
Йога шолын шошо вуд.

Чыланат пеш йывыртеныт  
Сыне шошо толмылан.  
Йоча-шамыч ямдыленыт  
Чапле пбрым шырчыклан.

Кузнецов Алексей.

Морко район,  
Кугу-Кожлаял НСШ.

## Пеледше элем

Кава түр гыч чот волгалтын,  
Йыр шарлалын кече йол,  
Пасула гоч вик йолгалтын,  
Чолгыжеш—чылтак ший кол.

Эрден лекше кече семын  
Илышнаже волгалтеш.  
Кажне кечын чот уэмын,  
Эре сылын пеледеш.

Тыгай илыш тыште велэ—  
Пеледалше элыштем.  
Орлык пытыш, шулыш нелэ,  
Пиал темын шумыштем.

Илена ме ваш келшалын,  
Кажне тыште тбр правак.  
Мемнан дене тбр тошкалым  
Сай ана ден шум ава.

Васильев Борис.

Моркинский средний  
школа, 8-ше класс.

## Шошо толын

(Ойлымаш)

Кужу теле койын эрта. Март тылзе пытыша-  
шеш кече ятырак шуенен. Лум пасулаште телим-  
се га-йылгыже огыл, ынде изиш сурештыш,  
умбалже комешталтын. Корно вер шемалген: те-  
рыс, олым пудырго-шамыч лум йымач шулен лек-  
тыныт. Оралде умбач йогышо вуд кас велеш  
оралде түреш ий лийын кержалтеш. Икшыве-ша-  
мыч шошо толмылан куанен школыш коштыт.

Ик эрдене мемнан ылысе чыла йоча-шамыч  
школышко пырля каяш тарванышт. Нуно түрлым  
кутырат, вожтылат.

— Мый шем коракым ужынам!—изи Иван  
кычкыра.

— Шем корак чынак толын шол. Ынде ваш-  
ке шырчык толеш,—Василий йүкым лукто.

— Шырчык-омартам ышташ күлеш, йоча-ша-  
мыч!—ик рвезе ояла.

— Мемнан тошто омарта уло.

— Мемнанат уло.

— Но, йоча-шамыч, тиде сай огыл. Топшо  
омартада уло гын, ужым ышташ ок куй мо?—  
Василий адак каласыш.

— Молан ышташ огыл? Конешне, чыланат  
ыштена! Да адак школ сатеш иктаж лу омартам  
ыштен шындашна күлеш,—ойла вес рвезе.

— Аиста таче тидын нерген школышто ойле-  
на!—Василий ойым лукто.

— Чынак, ойлаш күлеш.

— Вет шырчык мемнан сатыштына шукшым  
пытара. Иктаж лу омартам ышташак күлеш,—  
Мичуат каласыш.

Тыге тунемше-шамыч школ дек шумеш руж-  
ген кайышт.

Звонок йук шергылте. Йоча-шамыч шке ве-  
рышкышт шинчыт. Туныктышо  
Василий Иванович классым пур-  
ыш. Тудат йоча-шамыч гаяк ве-  
села. Чеве шошо кече тудымат  
куандарен.

— Мый коракымат ужынам,—  
манеш изи Иван. Василий Ивано-  
вич шырчыжеш. Иван адакат:  
«Ме школ сатеш иктаж лу шыр-  
чык-омартам ышташ манян ой-  
лышна, вет шырчык вашке толеш».

— Те тыгай сай ойым лукты-  
да гын, молодец уыда,—Васи-  
лий Иванович каласыш.—Вот  
мо, йоча-шамыч: тидын нерген  
таче урок деч вара лумын погы-  
нынамаш ышген, кугырена. Ки-  
зыт уроком тугалына...

Урок пытымек, чыланат ик  
классым чумаргышт. Тугшо Ва-  
сильев Иванович дин Мария Ива-  
новна школын шошо эргарыме  
планже нерген онышт. Погыны-  
машыште шырчык-омартам ыш-  
тыме нергенат ятыр кугырышт.

Эрлашыжым йоча-шамыч шко-  
лышко товарым, пилим, чогы-  
тым, пудам, пужарым кондышт.  
Кондымо узгарыштым пыштен,  
молгунамсе гаяк тунемаш шин-  
чыт. А урок деч вара чыла йо-  
ча-шамыч погынен, шырчык-омар-  
там ышташ пыжыч. Южышт  
онан нумалыт, весышт пужарат,  
кумышышт пүккелат, молышт  
висен-висен пудам кыркалат.  
Нуно чыат мукш гай пашам ыш-  
тышт. Ик шагат гыч латик шыр-  
чык-омарга ямде лис. Чыла омар-  
там тугу луктын, сатеш шогал-  
тылыч.

Чузаев Василий.

Сотнур район, Карай НСШ,  
6-шо класс.

Эр. Але шым шагатат шуын  
огыл, но ваче гочышт сумкам  
сакен, тунемше-шамыч школ  
секила кайгыч коедат. Теве  
урем мучко кок йоча-шамыч  
ошкылат, школ деке лишемет.  
Нуно ала-молан пеш куаненыт.  
Нине 7-ше классыште тунемше-  
шамыч, Костя ден Миша улыт.  
Нуным колыштын, шошо, шыр-  
чык нерген кутырымыштым  
ыглаш лиш:

— Миша, тыгай ояр кечыште  
пбрыткышат пуримо ок шу вет?  
— Да, ок шу шол. Ынде вет  
шырчыкат вашке толеш. Тунам  
адакат сай леш,—Миша пелеш-  
тыш.

— Мый шырчыклан уже омар-  
тамат ыштенам, визытым,—  
Костя ояла.

— Визытым? Мыйт вет нылы-  
тым ыштенам! Эрла каныш—  
ае иктым ыштем,—адак Миша  
вашештыш.

— Э-эй, тый! Эрла иже ыш-  
тет, а мый уже сакенамат, кеч  
такач шырчык толжо.

Тыге мутланен, нуно школ  
капка ончык толын шуыч. Йо-  
лыштым уштын, школышко пу-  
рен кайышт.

Кече чот ырыкта. Түр-волак  
гыч вуд йога. Изирак йоча-ша-  
мыч вудым кораш тбчен шо-  
гылдыт. А Мишамыт порт вок-  
теч эртен кает гын, пужарыме  
йүкым колат. Тиде—Миша шыр-  
чык омартам ышта. Тудо чылт  
шужалт пытен. Пашам ыштен  
штарымекше узгаржым поген  
оптыш. Вара шырчык-омарта-  
жым кудвечыш нумалын лукто.  
Кудвечыште куэ шога. Тужко  
кузышат, кок омартам кылтен

## Шырчык толын

(Ойлымаш)

шындыш. Ик омартажым капка  
умбалам, весым вара вуеш, адак  
ик омартам окна ончылысо  
куэш кырен шындыш. Вара  
улык волен, шырчык-омартаже-  
шамычым ончале да йывыртен  
шыргыжале. Изиш лиймек,  
уремыш йоча-шамыч деке лек-  
тын кайыш. Уремыште шогы-  
шо йолташыже-шамыч деке  
Миша мненат ыш шу, тудын  
деке йоча-шамыч шке куржын  
толыч. Ала-кбж йодо:

— Миша, шырчык-омартам  
ыштышыч мо?

— Ыштышым, да чыла пы-  
жыктылым.

Теве йоча-шамычын тужкаш-  
кышт Костя ден Петят толыт.

— Костя, ыштышым вет!—  
Миша кычкыра.

— Ыштышыч гын, пеш сай,—  
толын шогалше Костя ласкан  
пелештыш.

— Костя, тыйынат визыт  
вет?—Петя йодо.

— Визыт. Молан вара?  
— Так йодам.

— Ну, йоча-шамыч, ынде мый  
мбгыш каем. Вашке кече  
шинчеш, испытанийлан ямды-  
лалташ тугалам,—Миша пелеш-  
тыш.

— Мыйт каем, уроклан ям-  
дылалташ күлеш,—мане Кос-  
тят.

— Мыйт...  
— Аиста каена!

Эрлашыжым эрдене. Кече  
эркын күшкб күза. Кайык-ша-  
мыч шке семынышт вычымал-  
тат. Миша сумкам налын, шко-  
лыш лектын кайыш. Уремыш-  
те Петям поктеп шуо. Нуно  
окна гыч Костям кычкыра-  
лыч. Кумытын школыш толын  
пурышт.

Урок пыташ звонок йонгал-  
те. Костя, Миша, Петя мбгыш  
кайшат пырля тарванышт. Кос-  
тя шкеныштын пбрт турашке







## Йоча творчествын Всесоюзный олимпиадыже нерген ПОЛОЖЕНИЙ

1. Йоча творчествын Всесоюзный олимпиадыже Москваште 1940 ий августышто эртаралтеш. Олимпиадын цельже—массовый самодеятельный творчествын кушмыжым, тудын эн сай образец-шамычшым, искусство, наука, техника областыште йоча творчествын да массовый самодеятельностьшын умбакыже кушмашыжым ончыктымаш. Олимпиадылан ямдылалтмаш да тудым эртарымаш школышто успеваемостьшын вӧлталмаште да дисциплиным пенгыдемдымаште полшышаш.

2. Йоча творчествын Всесоюзный олимпиадыштыже художественный самодеятельность кружоклаште пашам сай да отлично тунеммаш дене пырля сочетатлен моштышо тунемше-шамыч участвоватлен кертыт.

3. Йоча творчествын Всесоюзный олимпиадыштыже тунемше ден йоча коллектив-шамыч художественный самодеятельностьшын чыла виде денат (литературный, музыкальный, драматический, пионерский муро ден курштым ансамбль да национальный йоча ансамбль-шамыч, декламаций, художественный лудмаш, художественный гимнастика да тулеч молат) шкеныштын сенымашыштым ончыкташ выступатлат.

4. Москваште олимпиаде почылтмылан йоча изобразительный искусствым да юный техник-шамычын пашаштым ончымо всесоюзный выставка организоватлатеш.

5. Всесоюзный олимпиаде марте школлаште, внешкольный учрежденийлаште йоча самодеятельность творчествын смотрышт да областной, краевой, республиканский (РСФСР деч посна) йоча творчествын олимпиадыже-шамыч, тугак областной, краевой, республиканский йоча изобразительный искусствым да юный техник шамычын пашаштым ончыктышо выставка-шамыч эртаралтыт.

6. Край ден областылаште йоча творчество олимпиада 25 июнь марте, а республиклаште 13 июль марте эртаралтеш.

Школлаште да внешкольный учрежденийлаште йоча творчество олимпиадын смотро-шамычым эрарыме сроком крайлазе, областылазе, республиклазе оргкомитет шамыч установитлат.

7. Йоча самодеятельность творчество смотро-шамычым эртарымашым да вуйлатымашым школлаште 5—7 еган комиссий вуйлата. Тушко партийный, комсомольский профсоюзный организаний, школа дирекций да учитель, искусство пашаен-шамыч гыч представитель-шамыч пурат.

8. Областной, краевой, республиканский йоча творчество олимпиадылан ямдылалтмаш да эртарымашым оргкомитет-шамыч вуйлата. Тушко партийный, советский, комсомольский, профсоюзный организаний, калык туныктышо орган, физический культура ден спорт комитет, литература ден искусство пашаен-шамыч гыч представитель-шамыч пурат.

9. Йоча творчествын Всесоюзный олимпиадылан ямдылалтмаш да эртарымашым Всесоюзный олимпиадын оргкомитетше вуйлата.

10. Областной, краевой, республиканский йоча художественный самодеятельность олимпиадыш участник-шамычым соответствующий оргкомитет шамыч ойырат.

11. Москваште лийшаш йоча творчествын Всесоюзный олимпиадыштыже участник-шамычым Всесоюзный олимпиадын оргкомитетше ойыра. Всесоюзный олимпиадыш оргкомитетшын разрешенийже деч посна каяш ок лий.

12. Москваште лийшаш Всесоюзный олимпиадыште участвоватлыше-шамычлан „Участник Всесоюзной олимпиады детского творчества“ значок пуалтеш.

### Теат тыге полшыза

Ме Тая йолташем дене коктын IV классыште тунемна. Кодишо шыжым, тунемаш туналме почеш, Тая „плохо“ отметка дене тунемеш ыле. Мый вара тунеммаште шке верчем велэ огыл, Тая верчат тыршаш туналым. Тудлан эре полшем ыле, уроклан кузе ямдылалташ кумлым ончыктен пуанам.

Мый мӧнгӧ толмекем, школышто туныктышым ойлымжым мондаш огыл маным, уроком сайын лудын ямдылем ыле. Тыге ыштымек, туныктышым ойлымжо ушеш кодаш, от мондо. Танят мыйын семын ышташ туналым.

Кызыт мый отлично тунемам, а Тая посредственно тунемеш.

Волкова Марфа,  
Нуж-ключ НСШ,  
Морко район.



Ик вер гыч вес  
верыш кусныл  
коштшо кутко-  
шамыч

Кутко-шамыч пашам да тушкан илаш йоратат. Нуно кутко шуэм ышташ, тудым сайын кучаш чот тыршат. Но нунын коклаште ик вер гыч да вес верыш кусныл коштшо кутко-шамычат улыт. Нине кутко-шамыч нерген американий ученый Бах каласкала. Тудо тыгай насекомый-шамычын илышыштым да койшыштым шуко жап эскерен да изучатлен.

Куснылшо кутко-шамыч миллион дене иктышке погынен, корнышто нимогай нелылыкым да йӧсым палыде каят. Нунын лишем-мыштым ужмек, чыла илыше-шамыч, даже слон пеш лдыт да содор брдышкӧ корангыт.

Нине кутко-шамыч мален кийше егӧ деке логалыт гын, эр марте енын нултен пытарыме лулегыже велэ кодаш. Корныштышт изи энгер логалеш гын, кутко-шамыч ваш ваш капышт дене ушнен кувар семын лийыт, а нунын умбач муна кутко-шамыч да матка вончат. Кугу энгер логалмаште нуно иктыш чумыр-ген, кугу шар гай лийыт, покшелнышт матка лиеш. Тудым муно нумалше кутко-шамыч йыр авырат. Шар вудышкӧ пӧрдын вола да вес серышке ийын лектеш.

Нине шуко насекомый-шамыч центральный Африкыште да Мексикыште илат.

Б. Григорьев.

„Ленинские искры“ газета гыч.



Пытартыш лум умбач.

Фотоэтиюд А. Овечкиных.



### Тый географийым сайын шинчет мо?

Тугеже тиде географический йодыш-шамычлан ответатле:

1. Могай ерын, водопадын, пустыньын да саскан лумышт ик гай?

(КУШАКОВ ЗОСИМ, Морко села гыч колтен).

2. Кушто тыгай Килиманджаро?

3. Баб-эль-Мандебский пролив могай тегыз, шамычым ушен шога?

4. Могай эл ожно Тавриды лумаш улмаш?

5. Донбассысе областной центрын лумжӧ кузе?

6. Кушто Колхида?  
(ИВАНОВ НИКОЛАЙ ден МОСКВИЧЕВ НИКОЛАЙ, Йошкар Ола гыч колтеныт).

### Тушто-шутка


Путынь туням чикта, а шке-же чара могорын коштем.  
МОСКВИЧЕВ КОЛЯ ден  
ИВАНОВ КОЛЯ колтеныт.  
Йошкар-Ола,  
Свобода урем.

### Метаграмма-шамыч

„П“ дене—луман марлеж,  
„Т“ дене—шоколюм.  
ГУРЬЕВ КОЛЯ колтен.  
Морко район,  
Кумжӧял НСШ.

„Б“ дене—корабльлаште  
ужат,  
„П“ дене—вӧд серысе ола,  
„С“ дене—качество шот.  
КОРОТКОВ МАТВЕЙ  
колтен.

### Тыште мынар треугольник?



Тиде звездаште 10 вияш лий-шамыч велэ улыт гынат, пеш шуко треугольником шотлен лукташ лиеш. Я шотлем луска: тыште мынар треугольник уло?

ЯКОВ БИРЮКОВ колтен.  
У-Тор'ял район,  
Кузнец НСШ.

### Анаграмма

„К“ дене—пырчым тыгытемда,  
„П“ дене—колым кучела.  
БУЛЫГИН КУЗЬМА  
колтен.  
У-Тор'ял район,  
Немда средний школа.

Отв. редактор—  
И. М. МУЗУРОВ.